

قاللي بحبك

قاللي بحبك قولتله فسر
قاللي مفيش ولا كلمة تعبر
وأنا كان قصدي إنه يعيدها
وأسمعه تاني بيقولها لي أكثر
ما أنا أصلاً حاسة بيه م الأول
من قبل ما أسمعه بيقولها
ده اتاخر حتى وطول
علشان يتجرأ ويقولها
وكان نفسي أرد وأقوله
حبي أنا أكبر..

أخيراً قالها ليا
مش حيعيش إلا بيا
وجواه حب وخوف عليا
فوق ما قلبي يتصور..
قاللي وحكالي عن حبه
وإيه شايله ف قلبه
وإنه نفسه أبقى جنبه
وإنه على بعدي ما يقدر..
وأنا برده جوه مني
إحساس ليه بياخدني
ولما يغيب عني
بفضل فيه أفكر..